

Дюра ПАПУГА

З АКТИВНОСЦИ РУСКЕЙ МАТКИ У ПЕРИОДЗЕ МЕДЗИ 7. И 8. ШВЕТОВИМ КОНГРЕСОМ РУСНАЦОХ/РУСИНОХ/ЛЕМКОХ

ОЧУВАНЄ ИДЕНТИТЕТА ТИРВАЦИ ЗАДАТОК

Руска матка як дружтвена організація Бачванско-сримских Руснацох основана 28. децембра 1990. року у Руским Керестуре зоз цильом очуваня идентитета и витворйованя правох и интересох у обласци пестованя, розвою и популяризованя руского языка, образования, науки, култури, информованя, литературы и уметносцох.

У прешлих 14 и пол роках свойого постояня и роботи, у зложених, подзекеди и неприємних часових одреднїцох, Руска матка витворйовала свойо основни задатки и цилї. Потерашнї резултати активносци членох Рускей матки, организованих у 5 месних организацийох: у Руским Керестуре, Кули, Коцуре, Вербаше и городской организацией у Новим Саду потвердзую потребу єй постояня и роботи и у наступним периодзе.

Снованє и початок роботи Национального совиту Руснацох у Державней заєднїци Сербїї и Чарней Гори у новембру 2002. року, у велїм олегча очуванє идентитета Бачванско-сримских Руснацох, окреме после отриманей позарядовой Електорскей скупштини рускей националней заєднїци у Сербїї и Чарней Гори, хтора у Руским Керестуре отримана 30. октобра 2004. року, як и преглашованє и початок роботи Апостолского єгзархата за греко-католикѡх у Сербїї и Чарней Гори зоз шедзиском у Руским Керестуре и инаугурацию владики кир др Дюру Джуджара за першого єгзарха того Єгзархату, у новембру 2003. року.

На порядней рочней и позарядовой виберанковей Скупштини Рускей матки 11. децембра 2004. року у Руским Керестуре вибрали зме нове руководство Рускей матки, витворели реорганизацию нашей

дружтвеней організації и утвердзели Програмски задатки Рускей матки у наступним штирирочним периодзе.

У марцу 2005. року пририхтали зме и видали перше число глашніка Рускей матки под назву «Руснак», як периодичне, тримешачне виданє, а того мешаца з роботу нам почала и Канцелария Рускей матки у будинку Месней засідниці у Руским Керестуре, опремена зоз сучасну компютерску конфигурацию, хтору зме обезпечели з донації бюджета општини Кула.

Петнац-рочніцу Рускей матки плануєме означиц 28. децембра того року, на дзень снованя Рускей матки, а у рамикох преслави Швета Христового Рождества по григориянским, новим календаре.

Бачванско-сримски Руснаци и нешка, правда зоз више векшима напруженнями, витворюю шицки права на очуваню идентитета.

У образованю на нашим мацеринским, руским языку запровадзуєме наставу у предшколскей установи, у основних школах зоз порядну наставу на руским языку и факультативним виучованьом руского языка зоз елементами националней историй и култури, у шпредней школи - Гимназії «Петро Кузмяк» у Руским Керестуре и на високошколским уровню - на Катедри за руски язык и литературу Философского факультета Универзитета у Новим Саду.

У култури и уметносцох Бачванско-сримски Руснаци уж 44 роки отримую свой Фестивал култури «Червена ружа», 37 роки маме Драмски мемориял Петра Ризнича «Дядї», 12 роки Културну манифестацию «Костельникова єшень», шицки у Руским Керестуре, яки Културну манифестацию «Коцурскажатва», Фестивал жридлового шпиваня у Дюрдьове, Фестивал дзединскей творчосци «Веселинка» у Новим Саду, як и Руски фестивал монодрами у Новим Саду, хтори того року будзе отримани по треци раз.

У явним информованю Бачванско-сримски Руснаци маю каждодньово вещей годзиново програми на Радио Новим Саду, хтори прешлого року преславел 55-рочніцу свойого постояня и роботи, каждодньово програми на руским языку на Радио Кули и Вербасу и тижньово на Радио Бачкей Тополї и Радио Шиду, каждодньово програми на Телевизії Нови Сад, тижньово новини «Руске слово» и додаток на руским языку у двотижньових новинох «Кулска комуна» у виданю Информативно-пропагандного центра «Кула».

Новини «Руске слово» як и Новинско-видавательства установа «Руске слово» того року преславляю 60-рочніцу свойого постояня и роботи. Ту пред даскельо мешацами титуларни снователь постал Национални совит рускей националней засідниці у Сербії и Чарней Гори, избрани нови директор и главна и одвичательна редакторка, а шицки нам наздаваня унапрямени на пририхтованю и видаваню правих руских

новинох, а не лем новинох на руским языку. «Руске слово» як новинско-видавательства установка пририхтує и видава и дзецински часопис «Заградка», младежски часопис «Маю», часопис за литературу и культуру «Шветлосц» и каждого року видава вецей книжки з литератури Руснацох. Наздаваме ше же и у тих виданьох у наступним периодзе свойо место найду и роботи творительох зоз чисту руску свідомосцу, як цо то др Михайло Фейса, мр Гелена Медєши, амбасадор у пензії Михайло Горняк и велї други.

Управни одбор Рускей матки у рамикох пририхтованьох за 8. Шветови конгрес Руснацох/Русинох/Лемкох, на прешлих трох схадзкох оцєнєл за несприлапоуює факт же у прешлих 10 рокох, од 1995. року по нєшка, нє отримана ані єдна схадзка Шветовой ради Руснацох/Русинох/Лемкох у нашєй жеми. Було ту и оправдани, обєктивни причини, як цо то граждански войни на територийох бувших републикох СФРЮ, санкції медзинародней заєднїци, бомбардованє НАТО-пакта и други, алє тримаме же нє було и достаточнo дзеки и розумєня за отримованє схадзки Шветовой ради у нашєй жеми.

Прето предкладаме Конгресу же би наступни, 9. Шветови конгрес Руснацох/Русинох/Лемкох, у маю 2007. року бул отримани у нашєй жеми, у Руским Керестуре. Тото предкладанє потримує и принцип першого круга домашнїх перших 6 шветових конгрєсох (1. - Медзилаборци, Словацка, 2. - Кринїца, Польска, 3. - Руски Керестур, теди СР Югославия, 4. - Будапєшт, Мадярска, 5. - Ужгород, Закарпатє /Україна/, 6. - Прага. Чєска).

Конгресу и Форуму младих тиж так предкладаме же би наступни Камп младих Руснацох/Русинох/Лемкох од 21. до 23. августа 2006. року бул отримани у Руским Керестуре.

Осому Шветовому конгресу предкладаме же би:

- утвердзел потребу виробки заєднїцкєй исторії Руснацох/Русинох/Лемкох у периодзе до 1745. року, до розсєльованя зоз Карпатох,
- утвердзел потребу сотруднїцтва и черанки студєнтох катєдрох за руски/русински/лемковски язык и литературу у Новим Саду, Прєшовє и Краковє и їх заєднїцкє сотруднїцтво зоз Универзитетом у Торонту,
- утвердзел калєндар културних манифєстацийох (фєстивалох култури) Руснацох/Русинох/Лемкох у жемах штрєднєй Европи и Сивєрно-амєрицким континєнту у хторих жиємє, зоз обовязку медзисобного поволованя и участвованя на нїх,
- утвердзел потребу сотруднїцтва шицких матичних организацийох Руснацох/Русинох/Лемкох у обласци информованя прєйг друкованих медийох, творєня заєднїцкогo сайта на интернету и творєня заєднїцкогo сатєлитскогo каналa за шицки нашо телевизийни и радио програми,

- утвердзел потребу сотрудзованя у економики, привредним розвою, зоз потребу пририхтованя заснїцкей информативней кнїжочки о наших терашнїх економских потенциялох и можлївосцох медзисобного таргованя, заснїцкей продукції и пласману роби и услугох,

- и утвердзел потребу суфинансованя конгресних активносцох Руснацох/Русинох/Лемкох з боку недомашнїх и неорганізаторох конгреспох, у прикладу по 20 тисячи єври за дварочни период, хтори би були уплацовани на рахунок Шветового конгреса Руснацох/Русинох/Лемкох

Дюра ПАПУГА

ДЕЛЕГАЦИЯ РУСКОЙ МАТКИ УЧАСТВОВАЛА НА 8. ШВЕТОВИМ КОНГРЕСОМ РУСНАЦОХ/РУСИНОХ/ ЛЕМКОХ У КРИНІЦИ У ПОЛЬСКОЙ

ВРАЦЕНИ УГЛЯД И ДОВИРИЄ

Осми шветови конгрес Руснацох/Русинох/Лемкох, хтори отримани у Криніци у Польскей од 23. до 26. юния 2005. року, на предкладанє Рускей матки зоз своїма заключенями утвердзел:

1. - потребу виробки заснїцкей исторії Руснацох/Русинох/Лемкох у периодзе до 1745. року, до розсельованя зоз Карпатох,

2. - потребу сотрудніцтва и черанки студентох катедрох за руски/русински/лемковски язык и литературу у Новим Саду, Прешове и Кракове и їх заснїцке сотрудніцтво зоз Универзитетом у Торонту,

3. - потребу виробки календара културних манифестацийох (фестивалох култури) Руснацох/Русинох/Лемкох у жемах шпредней Европи и Сиверно-америцким континенту у хторих жиєме, зоз обовязку медзисобного поволованя и участвованя на нїх,

4. - потребу сотрудніцтва шицких матичних организацийох Руснацох/Русинох/Лемкох у обласци информованя преїг друкованих